

中國方志叢書·華南地方·第二一〇號


據

民國五年
國贊元等纂修
鉛印本

影印

廣西省

懷集縣志



成文出版社有限公司印行



10101534

10101534

中國方志叢書·華南地方·第二一〇號


據

民國·周贊元等纂修
民國五年鉛印本

影印

廣西省

懷集縣志



成文出版社有限公司印行



10101535

中華民國六十四年六月臺一版

懷集縣志

全二冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

中華民國五年刊

懷集縣志

續輯懷集縣志叙

立於中國大舞臺之上四顧神州茫茫大陸橫三萬里上下五千年欲周知夫與國廣柔戶口登耗賦稅增減歷朝之沿革盛衰與夫偉人循吏忠孝節廉之後先相望焉者乎史顧天下者郡縣之集合體也郡縣者天下之攝影圖也一邑中之地理之歷史之學校之軍事之人物徵輪或彼此各別或今昔殊形倫無紀載不獨貿然茫然其曷以治則縣之有志尙已吾邑舊志自前清同治十二年曾君詠春修輯後迄今垂四十餘稔其間金鷄松柏割隸信都而疆域異裁撤綠營兵弁而軍制異廢科舉設學校而造士之典異民國守鼎權稅增額清賦加徵而國家稅之徵收亦異重以亂事頻仍劫案迭出簡頭大筭擾於前會匪民軍騷於後此治亂得失之林及今弗復將難稽邑父老懼其久而無徵也謬排僕偕周君子慶李君子亮林君禹九分科續輯僕本駑材斷膺鉅任惟徵文攷獻邑人之責也爰不揣謏陋與周李林三君勉成之用備將來參攷云爾敢言修纂哉抑余聞之觀天下於國觀國於鄉邑內版圖田賦丁口物產災祥風俗暨民政財政軍政諸大端犁然具備是亦中國一小舞臺也來軫方道前車可鑒

後之覽軼事者見伏莽未清思有以弭之河道梗塞思有以通之四境瘡痍思有以撫之人才實業之頹落思有以振興之求克副我

大總統再造共和之至意俾吾懷依附民國永永存在以萬斯年此則余所厚望也夫閱載戴事因勉而并綴以言

中華民國五年歲在丙辰秋月

邑人植自森撰

續輯懷集縣志叙

蓋聞國家由郡縣而積郡縣一政治之小節圖也政治有得失斯有興衰考鏡得失之林莫善於史國史然邑乘何獨不然抑又聞之莫爲之前雖美弗彰莫爲之後雖盛弗傳傳其盛而鋪張揚厲文人優爲之莫難於多事之秋而連年兵燹瞥眼滄桑大有前人不及載者曠世後展轉傳聞幾何不扣槃當日此非邑人士之責而誰責歟懷集縣志自曾孝廉浚仁修纂後閱帝國而民國其間輿圖之沿革人物之盛衰地方之治亂書缺有間忽忽已四十餘年況僞民軍踞城騷擾案牘版籍盡付祖龍舊志之留貽幾如馬跡蛛絲閱時即難尋覓甲寅冬集議續編公推與植君自森周君贊元林君錫疇分任其事自維謫陋大懼貽笑方家但丁茲絕續之交不得不勉隨諸君後以襄成完帙夫補闕拾遺極盛巨難爲繼然苟無關於民社亦惡用是亟亟爲同事勗哉豈惟是擲漢揚芳侈談典麗哉夫亦日記實而已於訪事貴詳於編辭貴簡是非必衷公論義例必紹先型別弊起衰斬合於類物情而通衆志俾後人流覽遺編憬然於邑里若何而奠安民物若何而康阜學校若何而振興邊境若何而戢靖莫不瞭如成跡之可

稽吾知官斯土者必有以撫綏而培養之生斯地者必有以維持而翊贊之行見五里之民煙火萬家絃歌四境優游於蟹簍蠶績之天則志之係乎國計民生未始無涓埃之助也若夫潤色鴻業歌詠太平所望於後有作者

中華民國五年丙辰秋

邑人李惟寅撰

續輯懷集縣志

纂修

清舉人福建鹽大使

周贊元

清舉人兩廣鹽大使

李惟寅

清舉人長蘆鹽經歷

植白森

清舉人同知銜簡選知縣

林錫麟

編校

清附貢生

鄧宸英

清附生

劉錫禧

參訂兼庶務

清

附

生

鄧燦英

重修懷集縣志

目錄

第一冊

輿地志

繪圖 沿革 分野 疆域 廂里 山川 陂塘 風俗 節序 氣候

建置志

城池 公署 屬署 倉庫 學校 壇廟 鋪舍 市廛 坊表 亭臺 津梁

第二冊

賦稅志

田賦 權稅

秩官志

秩官 宦績列傳

懷集縣志

目錄

廣州市十八甫石經堂承印

第三冊

兵防志

武署 兵欺 營寨 武秩 武續列傳

選舉志

科第 貢途 優行 保舉 贈封 恩錫 邑紳職官 學校畢業

人物志

鄉行 孝行 聖裔 列女

第四冊

縣事志

明 清 民國

藝文志

經 志 傳 詩文集 雜著

雜事志

祠廟附錄

往蹟

仙澤

神異

物產

地隱

瑤瑾

凡例

一地志以輿地而修建置因之賦役又因之秩官以爲理兵防以爲衛選舉人物次第相仍志書例多如此今舊之其中失倫序者更定 舊例

一懷集在明以上隸屬不常唐威州當是重鎮故南漢封川一驛馬楚人暨蓋要地也而舊志竟不能考及宋元故凡事不得不斷自明始 舊例

一區林謝三志俱無存者梁稿惟據李志及訪聞補之其李本排偶掩志雜亂無章者悉爲更易所據續志則梁稿本也 舊例

一舊志止一總圖繪未如法今依開方法繪分合圖圖皆有說

一兩粵星野蔡戡之論明確今志補入

一懷集地忽分忽合乍東乍西疆域沿革勢如亂絲故前志從畧今本各史及郡國志詳考歷朝疆地分合立表

一李志府志所載學田頃畝以全書則例推之皆非實數恐後來據爲定額必致有額無田矣故力

辨之 舊例

一錢糧兵制爲經政之大前志於各宗錢糧軍屯夫役以及兵制並未一言叙及遂使後人閱之杳無頭緒今悉爲校正並逐項詳其緣起庶一日瞭然

一錢糧征收支解以及兵額軍餉但按同治實數編入

一糧稅爲地方大政明朝歸民 清朝歸縣正杜奸僞也前志於稅則娓娓言之而未經補入此全書之缺

一顧志修於乾隆二十年至今百餘年並未續纂重以兵燹繁卷無存故秩官不無遺漏

一學校條約非年久論定者不得舉鄉賢名宦非始終無議者不得舉孝子節婦非鄉里推服者不得舉鄉飲賓侯在李志後者一遵此例 舊例

一武職原叙文官之後府志改入兵防明專責也最得倫理今從之吏目是文職不得不從其類而土巡檢爲武事設者亦附焉 舊例

一官績既從文武績宜從武方成義例李志以武績入人物中未當故更定之

一定國捍患宜在祀典何本始建縣城錢家寶蘇志梁才珍手平大難能世其官許桂卿目不知書

以死勤事雖不祀春秋宜立傳後故特收入武績

一名宦釋例當定自朝廷非志乘所敢私許故通志易名宦爲宦績統鄉賢於列傳著其實也
今志遵

一名宦鄉賢從府志補入楊韜歐守中宦績從省志補入李鵬舉鄉行從粵西文載補入林絢林繹
從採訪冊補入盧際泰鄧奇芳

一前志雜事志內有編年一日所載一代治亂兵戎以及蠲賑災祥皆地方大事前志載於鬼神地
歷之末今按通志元後用鼎金陵通志創通紀一門以具歷代因革古今大要其於郡邑舊事
若網在綱其體最善撰志乘者所當沿其例而擴之勒爲紀事專篇以上繼外史之職是故通
志立前事志府立郡事志今改編年爲縣事志爲一綱

一萬歷武功紀土司傳言懷事最詳均應補入道光征猺一案從聖武紀分段採入

一懷集縣事清朝莫大於咸豐時破城二案皆現在事官有成案民有口碑必詳必實

一范成大吳郡志以詩文分註各條之下不入藝文通志藝文略專載本處官紳著述分經史子集
以及志乘雜記詩文集每書但載其叙使知緣起今遵用之